



宇田川興齋文稿二

九月念四日
梁井觀菊

自筆

洋学文庫
文庫8
C1026
2



44-7181

鄙稿

宇田川興
再拜





九月念四日漆井觀菊

味爽先生呼余曰今日妍晴如春遊意頻萌請與吾
子邨行余曰唯已牌出至羽倉公第先生曰吾子先
之伊東氏要研藏以待余至研藏不在季塾生曰請
少待之偶石嵩生來因語一時而研藏猶不歸乃託
先生所屬之寫本於雅樂助余知返羽倉氏告先生
先生笑曰如此好天氣豈可空在家也向遣周助要
燕平等亦皆不在余曾有句曰春晴恰好出門步多
恐詩人不在家亦人意中語也先生欲遊于飛鳥山
故北行逢大槻俊齊々々曰今日欲奉診尊夫人先

勝侯氏曰藏書

生謝而別登湯崑阪。半有湯肆一浴而出。先生使周助去過天神祠南畔西行一二丁道邊有祠季扁曰天女廟地勢頗高豁眺望亦佳惜西南一方為昌平螢丹樹木蔽又北向屈曲數回初出本鄉官道過廣小路時有喘急叫先生名者顧而視則岡部玄民也曰我將之於巢鴨某氏不知先生遊于何地乎先生曰我今日少得業間故泛遊散步未決遊于何地然有意于飛鳥山與君逢此可謂奇君盍同遊歟玄民曰今日有故不得捧命行十四五可投一店喫酒飯玄民別去行十五六丁投一茶店喫材店姥曰漆

井菊方盛盍一賞歟先生問其路曰總二丁先生曰妙須一觀季行五六十步循柳澤甲斐侯別邸而西行稍見菜圃人家概皆竹籬柴門極有野趣而都人士女隊之為羣往還絡繹蓋賞菊之客也揖一夫問府內侯別墅取小逕右折行一丁許逕窮行迷又問村童曰左折取一枝逕屈曲一丁許則出村長五良兵衛之門前即篔簹侯之別墅者從教而行廉平等六七輩從太夫某氏自門外林莽中出蓋照檢別墅也廉平曰公事既畢又將觀菊先生無意季乎乃同之五郎兵衛氏供茶其庭頗廣濶松杉蔭蔚苔蘚布地

能寫雅
狀之使
命如晴

楓葉微涼幽邃寂寞極可愛主人令男某導以觀菊
花至茅一家入荊門之內間地數弓灑掃甚淨蓋春
夏之間陳列接花盆樹之場也有假屋葦簾庇之以
遮風日屋內架板棚數級每級置石菖蒲萬年青霸
王樹百兩金翠蘭之屬數百種根怪石者床石英者
屈蟠磁鉢者纏絡古木者細葉者間色者競異戰奇
又有一假屋聚菊花模鴛鴦犬三四尺一仰立岩頭
一伏窺魚狀如生呼之欲驚其花不甚大重瓣單瓣
小大交錯雜卉點綴之作而湍洲白砂灣之以摸渚
背五綵絢爛奪目巧亦甚又入一家棚上陳卉石如

初屋外摸雙見浦旭日之景紅花為日白英為雲大
可七八尺其前双岩兀立大各三四尺雜花重疊模
波濤之狀極有勝致又一家巨蜃吐氣玉樓隱然上
現又入一家大菊數百種團々競秀幽致足掬庭隅
有假邱高二丈許一望數里蓋都北地勢漸高是以
曠敞如此有小池水甚清澄金魚游泳可愛又入一
家摸巨象未全成二夫方作之於是首得詳其製始
織竹為籠畧模象形中設棚高卑各定其位聚菊數
百株置于棚上藏根於裏出花於表束縛莖於籠以
畫文而耳目口鼻無不悉具焉又入一家聚細小菊

隨菊
之

花五十四品以配源氏之題目又入一家大菊數百
種清冷依風珊珊摧香層々森々模糊如雲北隅有
假邱林木參差原田每々秋光襲人又入一家模樓
船大可八九尺時暮色漸蒼因止觀季大凡種樹家
六十餘處皆有菊觀云而既觀八家則飽太牢割愛
而去復返五郎兵衛家主人供酒及麦飯晡前謝去
別衆於昌平橋而歸時首下牌也

